

2022KO IRAILAREN 29AN GOBERNU BATZARRAK EGINDAKO OHIKO BILERAREN AKTA

MODUA: Presentzialki

TOKIA: Batzar aretoa

EGUNA: Hogeita bederatzia

HILABETEA: Iraila.

URTEA: Bi mila eta hogeita bi.

HASIERAKO ORDUA: Arratsaldeko zazpiak

BATZARRALDIAREN IZAERA: Ohikoa

DEIALDIA: Lehena

OSATZEN DUTEN PARTAIDEEN KOPURUA: Bost (5)

MAHAIBURUA: Leire Artola Ugalde (EAJ-PNV)

BILDUAK: Adur Ugartemendia Leunda (EAJ-PNV)

Nerea Manzisidor Mendizabal (Beasaingo EH Bildu)

Eva Alvarez Atanes (Socialistas Vascos-Euskal Sozialistak)

ETORRI GABEA: Malu Valles Fernandez (EAJ-PNV)

IDAZKARIA: ITZIAR AROZTEGUI APAOLAZA

1.- AURREKO AKTA. Aurreko Aktaren onespena. 2022-07-28.

Aktaren berri eman ondoren, aho batez onartu da berarekiko zer esanik ez dagoelako.

2.- LURRALDE BATZORDEKO PROPOSAMENAK:

a.- LIZITAZIOA: ZERBITZUAK LIZITATZEA: Beasaingo udalerrian Agauntza, Eztanda eta Oria ibaietako landare inbaditzaileen erradikazioa, landaketa berriak burutzea eta ibaia zaborra garbitzea. 2022HIBO0152

Lurralde Batzordeko proposamenaren berri eman da: aipatutako lizitazioa egitea deialdia publikoa eginez, baldintza administratibo eta teknikoa onartuz:

“1.- *Prozedura:* irekia eta sinplifikatua publizitatearekin. Lizitazio elektronikoa.

2.- *Izapidetzea:* arrunta

3.- *Urtealdi bakoitzeko lizitazio prezioa:* 33.057,85 € + BEZ

4.- *Egikaritze epea:* 2 urtealdi. Urtealdi bakoitzean 6 hilabete. Urtebetealdiko 2 luzapen.

5.- *Kaudimen ekonomiko, finantzarioa:*

Urteko negozio-bolumena, edo kontratuari dagokion eremuan urteko negozio-bolumena, azken hiru urteetan izandako urterik onenari dagokiona, enpresaburua eratzeko edo jarduerak hasteko eta eskaintzak aurkezteko daten arabera. Negozio-bolumena gutxienez kontratuaren urtealdi bateko balio zenbatetsiren behin eta erdi izan beharko du (49.586,77 €).

6.- *Kaudimen teknikoa:*

a) Azken hiru urteetan zehar egindako zerbitzu edo lan nagusien zerrenda, kontratuaren helburuaren izaera bera edo antzekoa dutenak. Gutxienez 23.140,49 €-koa izan beharko du. (Kontratuaren batez besteko urterokoaren % 70) exekuziorik handieneko urtean, zenbatekoak, datak eta hartzaile publiko edo pribatuak adierazten dituzten ziurtagirien bidez abalatuta. Zerbitzu bat kontratuaren xedearen berdina edo antzekoa den

zehazteko, ezaugarrien taula honetako 2. paragrafoan adierazitako CPV kodera jo beharko da.

b) Diziplina anitzeko profesional-talde tekniko bat izatea, enpresan integratuta egon ala ez, gutxienez honako hauek osatuko dutena: Lanen Zuzendaria eta koordinatzailea (1):

- Biologian lizentziatua edo Ingurumen Zientzietako lizentziaduna edo masterra edo gradu baliokidea. Landare inbaditzaileak erradikatzeko eta ibaiak garbitzeko lan-ekipoa (2): - Eskatutako titulaziorik gabe Hizkuntza-gaitasuna. Zuzendaria eta koordinatzailea, Europako Erreferentzia Esparruko C1 (EGA edo baliokidea) dutela egiaztatu beharko du.

7.- *Aurkezteko epea, ordua eta lekua:* Hogei egun naturalak, 23,55arte. Lizitazio elektronikoa.

8.- *Adjudikazio irizpideak:*

Formula automatikoen bidez baloratzen ez diren irizpideak (30 puntu)

Memoria bat idatziko da, honako alderdi hauek zehatz-mehatz garatuz:

- Lan-proposamena. (10 puntu) Beasaingo Agauntza, Estanda eta Oria ibaietan landare inbaditzaileak erradikatzeko, landaketa berriak egiteko eta zaborrak garbitzeko aurkeztutako lan-proposamena baloratuko da. Lan-proposamenean, gutxienez, agiri honetan jasotako zeregin bakoitzaren definizioa eta garapena, erabili beharreko metodologia eta horien plangintza jaso beharko dira. Baldintza teknikoan agiriko 3.1,3.2 eta 3.3 paragrafoan ezarritakoa hartu beharko da kontuan, gutxienez.
- Dibulgazio-proposamena. (10 puntu) Agiri honetan jasotako lanak gauzatzearen ondorioz herritarrei egindako dibulgazio proposamenei buruzko planteamendua baloratuko da. Dibulgaziorako erabili beharreko metodologia, erabili beharreko bideak, egin beharreko ekintzen kopurua eta horien egokitasuna hartuko dira kontuan, eta, gutxienez, preskripzio teknikoan pleguko 3.3.4. paragrafoan ezarritakoa bete beharko da.
- Auzolanaren proposamena. (10 puntu) Auzolana edo auzo-lanaldiei buruzko proposamena baloratuko da, eta kontuan hartuko dira lanaldiak garatzeko erabili beharreko metodologia, egin beharreko ekintzen kopurua eta egokitasuna, eta, gutxienez, preskripzio teknikoan pleguko 3.3.5. atalean ezarritakoa bete beharko da. Azterketa eta ulermena errazteko, aurkeztutako dokumentazioak gehienez 6 orri A4 orri izango ditu, aurkibiderik gabe, Arial 11 letra-motarekin aurpegi hutsarekin eta 1,5 lerro-arteke tartearekin Indize bakarra eta orrikatua izango du. Euskarri elektronikoa aurkeztuko da (PDF fitxategi bakarra).

Formula automatikoen bidez puntuatzeko irizpideak. (70 puntu)

1. irizpidea: Zerbitzua eskaintzeko urteko prezioa: 35 puntu.

0 puntu emango zaizkio lizitazioaren oinarrizko aurrekontua berdintzen duen eskaintzari, eta 2

puntu gehituko zaizkio % 1eko beherapen bakoitzeko; gehienez 100 puntu emango dira, beherapenen batek % 50 gainditu ezean, orduan 100 puntu emango baitzaizkio, eta gainerakoa

interpolatu egingo da.

$B_{\max} \leq 50\% \Rightarrow P = 200 \times B$

$B_{\max} > 50\% \Rightarrow P = 100 \times B / B_{\max}$

Izanik,

P: Baloratu beharreko eskaintzaren puntuazioa.

B: Baja = $1 - (\text{Eskaintako prezioa}) / (\text{Lizitazioaren gehieneko aurrekontua})$.

Bmax: Onartutako gehieneko beherapena.

Horrela lortutako emaitzari atal ekonomiko honek puntu kopuru osoan duen portzentajea aplikatuko zaio.

OHI DENA BAINO GUTXIEGIZKO ESKAINTZATZAK

Eskaintza neurrigabeak edo ohiz kanpokoak direla pentsatuko da, onartutako eskaintzen batez

bestekoa baino 15 puntu beherago dauden eskaintzak. Eskaintza ekonomikoaren bideraezintasuna zehazteko parametro objektibotzat hartuko dira soldata-betebeharrei, gizarte-segurantzako kotizazioei, absentismoari, prestakuntzari, mediku-azterketei eta abarri erantzuteko

beharrezkoak diren kostuak estaltzera iristen ez direnak.

2. irizpidea: landare inbaditzaileak erradikatzen, ibaiak garbitzen, landaketak burutzen, dibulgazioa eta auzolana egiten emandako ordu kopurua: 35 puntu.

Honela baloratuko da: Landare inbaditzaileak erradikatzeko, ibaiak garbitzeko, landaketak egiteko, dibulgazio lanak eta auzolana burutzeko ordu gehien ematen dituen eskaintzaileak gehieneko puntuazioa lortuko du. Plegu teknikoan ezarritako gutxieneko ordu-kopurua (850 ordu) berdintzen duen eskaintzak 0 puntu lortuko ditu eta eskaintako ordu kopuru gehikuntza 20 orduko sortatan burutu beharko da. Gainerako eskaintzak modu proportzionalen baloratuko dira, honela:

$$P = (N^{\circ} \text{HO} \times \text{PM}) / N^{\circ} \text{MH}$$

Izanik,

P: Baloratu beharreko eskaintzaren puntuazioa

N° HO: Baloratu beharreko eskaintzaren ordu-kopurua

N° MH: Lizitatzailerik eskaintako gehieneko ordu-kopurua

PM: Onartutako gehieneko puntuazioa

Gutizko ordu-kopuruaren eskaintzaren bideraezintasuna zehazteko parametro objektibotzat

hartuko dira egindako eskaintza ekonomikoarekin lotuta soldata-betebeharrei, gizarte-segurantzako kotizazioei, absentismoari, prestakuntzari, azterketa medikoei eta abarri erantzuteko beharrezko kostuak estaltzera iristen ez direnak.

Balorazio-irizpideen dokumentazio osagarria, formula automatikoak erabiliz.

Proposamenaren bideragarritasun-azterlana:

Eskaintzaren bideraezintasuna zehazteko parametro objektiboak ezartzeko, eskaintako gutizko orduen kopuruari eta egindako eskaintza ekonomikoari erreparatuta, eta soldata-betebeharrei, gizarte-segurantzako kotizazioei, absentismoari, prestakuntzari, azterketa medikoei eta abarri erantzuteko behar diren kostuak estaltzea lortzen den bereizteko, enpresa lizitatzailerik bideragarritasun-azterketa bat aurkeztu beharko dute, alderdi horiek zehatz-mehatz jaso eta justifikatzeko.

Bideragarritasun-azterlana jasotzen ez duten proposamenak edo eskaintza betetzearen ondoriozko kostuak estaltzen direla justifikatzen ez dutenak hautaketa-prozesutik kanpo geratuko dira.

9.- Proposamenak irekitzeko lekua, eguna eta ordua: plika irekitzea kontratistatzailearen profilean argitaratzen den tokian, egunean eta orduan egingo da.

10.- *Aurkeztu beharreko agiriak:* Lizitatzaleek administrazio-baldintzen Pleguan adierazitako agiriak aurkeztu beharko dituzte.

11.- *Kontratua gauzatzeko baldintza bereziak, gizarte arlokoa:*

- Lan-merkatuan emakumeek gehiago parte hartzea eta lan- eta familia-bizitza bateragarriak izan daitezen erraztea.
- Langabeziari aurre egitea, batez ere gazte, emakume eta luzaroko langabeenari.
- Lantokian prestakuntza jasotzen laguntzea.”

Horrezaz gain aipatu da UR AGENTZIAK baimena eman duela errekararen ibilguan jarduteko, baldintza batzuk ezarriz. Baldintza horiek plegu teknikoan txertatu dira.

Bozketa eginda, aho batez onartu da proposamena.

b.- OBRA ZIURTAGIRIAK:

- Igartza futbol zelaiaren belar artifiziala: 1. ziurtagiria. 2022PROB0004

Aho batez ondorengo obra-ziurtagiria onartu da: Igartza futbol zelaiko belar artifiziala aldatzeko lanei buruzko lehenengo ziurtagiria: 222.494,56 €koa (BEZ barne).

- Kiroldegiko plaka fotoboltaikoak: 2. ziurtagiria. 2022OBMA0002

Aho batez ondorengo obra-ziurtagiria onartu da: Beasaingo Antzizar polikiroldegiko teilatuan instalazio fotovoltaiko bat gauzatzeko obrei buruzko bigarrenengo ziurtagiria: 151.575,37 €koa (BEZ barne).

- Oriamendi kaleko berrurbanizazioa. 6. ziurtagiria. 2021PROB0001

Aho batez ondorengo obra-ziurtagiria onartu da: Oriamendi kalea eta Erauskin plazaren berrurbanizazio obrei buruzko seigarrenengo ziurtagiria: 95.489,53 €koa (BEZ barne).

c.- OBRA ETA HORNIDUREN ESLEIPENA: Beasaingo Dolarea parkean haur parke inklusibo bat gauzatzea eta Trenbide kaleko haur parkea berritzea. 2022PROB0006

Ezagutzera eman da, Kontratazio Mahaiaren proposamena, hots:

“AURREKARIAK

1.- 2022-07-28. *Gobernu Batzordeko erabakia deialdi publikoaren bidez aipatutako kontratazioaren lizitazioa onartzeari buruzkoa. Horretarako plegu administratiboak eta teknikoak onartu ziren. Prozedura irekia eta tramitazio arrunta.*

2.- 2022-07-29. *Euskadiko plataforman deialdia argitaratu zen.*

3.- 2022-08-24. *Proposamenak aurkezteko epearen amaiera.*

4.- *Epe horretan enpresa lizitatzailerik bakarra aurkeztu zen: HAGS SWELEK, S.A.*

5.- A artxibo elektronikoko dokumentazioa kalifikatu ondoren egiaztatu zen, DEUC dokumentua datarekin eta sinatuta aurkeztu zuela eta dokumentu horretan adierazitakoaren arabera, eskatutako kaudimen ekonomikoa nahiz teknikoa betetzen duela.

6.- Beraz, lizitatzailleari onartu egin zitzaion lizitazioan parte hartzea.

7.- 2022-09-12an, 9,30etan B artxibo elektronikoa ireki zen (automatikoki ebaluatu ezin diren irizpideekiko dokumentazioa). Lizitatzailleak aurkeztutako dokumentazioa zerbitzu teknikoei pasa zitzaion txostena emateko. Txosten hori 2022-09-20ko datarekin eman zen eta Kontratazio Mahaiak ontzat eman zuen txostena eta bere gain hartu zuen. Lizitatzailleak lortutako puntuazioa atal honetan, 25 puntutik 14,5 puntu.

8.- 2022-09-20. 9,00etan C kartazala irekiera zen (formula automatikoen bidez baloratzen diren irizpideei buruzkoa):

- Prezioa: 65 puntu
- Pleguan ezarritako epea baino handiagoa eskaintzea: 10 puntu)

Lizitazioa prezioa, 152.892,56 €koa da, BEZ gabe.

9.- Enpresa lizitatzailleak aurkeztutako eskaintza: 131.488 € + 27.612,48 € (BEZ): 159,100,48 €.

10.- Lizitatzailleak guztira lortutako puntuazioa:

LIZITATZAILEA Licitadora	Memoria	Eskaintza ekonomikoa	Pleguan ezarritako epea gainditzea	GUZTIRA Total
HAGS SWELEK, S.A.	14,5	18,20	10,00	42,70

Horren ondorioz, Kontratazio Mahaiak kontratazio organoari (Gobernu Batzordea) ondorengo erabaki proposamena egiten dio:

Lehenik: : Beasaingo Dolarea parkean haur parke inklusibo bat gauzatzeko eta Trenbide kaleko haur parkea berritzeko obra eta hornidura, HAGS SWELEK, S.A. enpresari esleitzen.

Bigarren. Esleipena baldintza-pleguen (administratiboa eta teknikoa), eta enpresak aurkeztutako eskaintzaren arabera egiten da.

Hirugarren. Esleipen prezioa: 131.488 € + 27.612,48 € (BEZ): 159,100,48 €

Laugarren. Egikaritze epea: 8 aste kontratua sinatzen den hurrengo egunetik kontatzen hasita.

Bosgarren. Berme epea: urte bete.

Seigarren. Kontratuaren arduraduna, Lurralde arloko koordinatzailea izango da.

Zazpigarren. Esleipendunari eskatzea *hamar egun balioduneko epean*, errekerimendua egin eta hurrengo egunetik aurrera zenbatzen hasita, dokumentazio hau aurkez dezala:

1. 6.574,4 €ko behin betiko fidantza.
2. Zerga-betebeharrak eta Gizarte Segurantzarekikoak egunean dituela egiaztatzen duen ziurtagiria, EJZn alta emanda.
3. Arrisku profesionalengatiko kalte-ordainen aseguru poliza, gutxienez a 600.000.00 €koa.

Zortzigarren. Fidantza eta bestelako dokumentazioa aurkeztu ondoren, behin betiko esleipena egingo da, horretarako Alkateari baimena emanek eta ondoren, dagokion administrazio-kontratua sinatu beharko da.”

Bozketa eginda, aho batez onartu da proposamena.

3.- ESKAERA ETA GALDERAK

Eskaera eta galderen atalean honelakoak aurkeztu dira.

AUTO-TAXI ORDENANTZA

Nerea Manzisidor Mendizabal andrearen galderari erantzunez, Alkateak jakinarazi du asmoa dela urriko plenora ordenantza eramatea, baina gertatu daitekeela ez iristea kontuan izanik hasierako onespenez proposamena baino lehen egin behar diren izapideak.

MAITEKO IBILGUNETIK SENPERERA DOAN OINEZKO ETA TXIRRINDUEN BIDEA

Nerea Manzisidor Mendizabal andrearen galderari erantzunez, Adur Ugartemendia lurralde batzordeko Lehendakariak esan du, orain berezi gabe geratu dela oinezkoen eta txirrinduan joaten direnen arteko bidea eta zoladura ere ez dela laua, nolabait ere txirrinduan doazenen abiadura moteldu arazteko. Dena dela seinalitika bertikala jartzea falta dela jakinarazi du, hain zuzen ere bidearen hasiera eta amaieran.

ETXEZ ETXEKO LAGUNTZA ETA EGUNEKO ZENTROKO LIZITAZIOA

Nerea Manzisidor Mendizabal andrearen galderari erantzunez, ezagutzera eman da uztailaren amaieran baldintza pleguarekiko errekurtsioa jarri zela, Dependentsiako Zerbitzuen Enpresa-Elkartearen aldetik eta eskatu zutela prozedura etetea errekurtsioaren edukia ebatzi bitartean.

Kontratuen Inguruko Errekurtsoen Administrazio Organoak (KEAO) 2022-08-09an prozedura eteteko Ebazpena eman zuen, errekurtsioaren edukia ebaztearen kalterik gabe.

Gertatzen da ordea, KEAOk oraindik ez duela Ebazpen hori eman eta horren ondorioz ezin dela prozedurarekin jarraitu.

Kontuan izanik Ebazpena ez emateak sortzen duen endredoa udalarentzat ezinbestekoa delako herritarrei zerbitzu horiek ematea interes publikoa dela medio,

KEA Ora deitzea komeni dela adierazi da, jakite arren noiz emango duen Errekurtsoa ebatziko duen Ebazpena.

Eta tratatzeko besterik ezean, bilera gaueko zortziak hogeit gutxitan amaitu da eta nik, idazkari naizen honek akta hau idatzi eta sinatu dut.